

UNIVERSITY OF SARAJEVO
FACULTY OF SCIENCE

Broj: 01/01 - 3189/1-2020
Sarajevo, 14.12.2020. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na osnovu člana 21.a Zakona zaštiti ličnih podataka Bosne i Herecegovine („Službeni list BiH“, broj: 49/06, 76/11 i 89/11), člana 136. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20) i člana 108. Statuta Univerziteta u Sarajevu, Dekan Fakulteta donosi sljedeću

ODLUKU
o uspostavljanju i vršenju video nadzora
na Prirodno-matematičkom fakultetu Univerziteta u Sarajevu

Član 1.
(Predmet odluke)

Ovom Odlukom se uspostavlja video nadzor na Prirodno-matematičkom fakultetu Univerzitetu u Sarajevu, te utvrđuje svrha i način vršenja istog i korištenja tehničkih pomagala.

Član 2.
(Svrha)

- (1) Svrha uspostavljanja videonadzora se uspostavlja radi unapređenja sigurnosti studenata, zaposlenika i posjetioca Fakulteta.
- (2) Pored ove svrhe iz stava (1) ovog člana video nadzor se uspostavlja i koristit će se u svrhe unapređenja sigurnosti objekta i imovine, te sprječavanje protuprovalnih radnji usmjerenih prema imovini Fakulteta, te krađe, provala, uništenja i oštećenja imovine Fakulteta.

Član 3.
(Prostor)

- (1) Video nadzor iz člana 1. ove Odluke uspostavlja se u prostorijama Fakulteta i prostoru koji se nalazi na adresi Zmaja od Bosne 33. i 35., Sarajevo.
- (2) Video nadzor iz stava (1) ovog člana obuhvata unutrašnje, vanjske kamere, monitore i uređaj za pohranu video zapisa (snimač).
- (3) Studenti, zaposlenici i ostali posjetioci će biti obavješteni o vršenju video nadzora.
- (4) Obavještenje iz stava (3) ovog člana će biti postavljeno na ulazu u objekte i u unutrašnjim prostorijama u kojima je uspostavljen video nadzor na način da je vidljivo svima.
- (5) Video nadzor nije dozvoljen u kancelarijama i sanitarnim prostorijama.
- (6) Obavještenje je adekvatne veličine na kojem se nalazi slika kamere i jasno vidljiv natpis koji glasi: „OBJEKAT JE POD VIDEO NADZOROM“.
- (7) Obavještenje sadrži podatke o kontaktu/kontroloru sa brojem telefona putem kojeg se mogu dobiti opće informacije o video nadzoru.

Član 4.
(Opseg snimanja videonadzora)

Videonadzor sistema Fakulteta obuhvata:

- Vanjske kamere,
- Unutrašnje kamere, koje pokrivaju holove i ulaze Fakulteta,
- Monitore,
- Uređaj za pohranu videozapisa (snimač), koji deponuje videozapise 30 dana nakon čega se automatski brišu.

Član 5.
(Način čuvanja i upotreba podataka)

- (1) Uređaji za snimanje i monitori nalazi se u portirnici niske zgrade Fakulteta.
- (2) Kontrolori videonadzornog sistema su dekan i prodekan za opće poslove i finansije.
- (3) Monitoring nad videonadzorom imaju i dnevni i noćni portiri Fakulteta ili druga lica koja ovlasti dekan ili prodekan za opće poslove i finansije Fakulteta.
- (4) Kontrolor će snimke nastale korištenjem aplikacije za video nadzor pohranjene na snimaču koristiti u skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.
- (5) Nastale snimke mogu se kopirati ili drugačije elektronski obrađivati zbog dokazivanja krađe, oštećenja imovine, ugrožavanja zdravlja i sigurnosti studenata, zaposlenih lica i posjetioca.
- (6) Pristup snimcima videonadzora imaju i ovlaštene policijske agencije i ministarstva unutrašnjih poslova u BIH uz predočenje validnih naloga.
- (7) Video nadzor će biti zaštićen od pristupa neovlaštenih lica.

Član 6.
(Vršenje video nadzora)

- (1) Snimak video nadzora obuhvata video zapis koji sadrži sliku, datum i vrijeme.
- (2) Podaci prikupljeni putem video nadzora ne smiju se koristiti izvan zakonske namjene.

Član 7.
(Rok čuvanja)

- (1) Video zapis obuhvata kontinuirani period snimanja od zadnjih 30 uzastopnih dana nakon čega se isti automatski briše.

Član 8.
(Stupanje na snagu)

Ova odluka stupa na snagu danom donošenja i objavit će se na oglasnim pločama Fakulteta i web stranici Fakulteta.

DEKAN FAKULTETA


Prof. dr. Nusret Drešković

Dostaviti:

- Prodekani Fakulteta
- Sekretar Fakulteta
- Oglasne ploče/web stranica
- 02
- a/a